

13.09.2012. godine predstavnici Metalurškog instituta „Kemal Kapetanović“ Zenica su uzeli učešće u poslovnim susretima u organizaciji Obrtno-podjetniške zbornice Slovenija, EEN, te Ministarstva za gospodarski razvoj in tehnologiju Republike Slovenije koji su održani u Celju u okviru sajma CELJE 2012. Celjski sajam je pravo mjesto na kojem poslovni ljudi, menadžeri, državnici, kupci mogu međusobno razmijeniti iskustva i uvezati ova područja privrednog života.

Poslovni susreti su bili veoma uspješni uzevši u obzir da je učešće uzelo 152 učesnika iz šesnaestak zemalja iz Regije i Svijeta.

Riječi dobrodošlice je uputio gospodin Štefan Grosar, Vice-President of Chamber of Small Business and Craft of Slovenia and President of Managing Board of Chamber of Small Business and Craft of Slovenia. Ovom prilikom gospođa Larisa Vadeb, Chamber of Craft and Small Business of Slovenia je prisutne upoznala o radu Evropske poduzetničke mreže u Sloveniji.

Nakon pozdrava i prezentacija učesnici susreta su u radnoj i kolegijalnoj atmosferi, kroz razgovore i druženja razmijenili iskustva. Tokom susreta produbila se postojeća saradnja i uspostavljeni su novi kontakti.

Predstavnici Univerziteta u Zenici i Instituta Prof.dr. Oruč Mirsada i Neira Delić su u interesantnim razgovorima sa predstavnicom Ambasade Kanade za područje Balkana sa sjedištem u Budimpešti, predstavle Univerzitet u Zenici i Institut, njihov značaj, ulogu i mogućnosti. Obzirom da su razgovori vođeni na inicijativu i iskazani interes Ambasade iz Kanade, ovom prilikom njihova predstavnica je ponudila pomoć u vidu uvezivanja sa Kanskim univerzitetima uz različite vidove pomoći kod razmjene naučnih potencijala.

Razgovori predstavnika Univerziteta - Instituta i Hrvatske Gospodarske komore su tekli u pravcu nastavka provjereno dobre dosadašnje saradnje. Obzirom da je Institut kao partner Evropske poduzetničke mreže u stalnom kontaktu sa Hrvatskom Gospodarskom komorom, kao učesnik, saradnik i partner u organizaciji poslovnih susreta u Hrvatskoj razgovarano je i o daljnim zajedničkim aktivnostima na unapređenju saradnje i uvezivanja nauke, privrede i institucija.

Kroz druženje na susretima Institut je predstavljen i privrednicima koji su iskazali znatan interes. /ALBUM/